



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

§. VIII. An, & quo jure Ecclesiæ, ac personæ Ecclesiasticæ, earumque bona
exempta sint à jurisdictione Laicorum.

[urn:nbn:de:hbz:466:1-73031](#)

communi sensu interpretum juris Pontificij. Quid verò dicendum de statutis laicorum Principum, ne literæ Apostolicae sine suo consensu in regnis suis publicentur, vel affigantur; ne exteris beneficia sita in suis territoriis conferantur, vel penitentes assignentur, tractat Azor p. i. *Instit. moral. l. 5. c. 14. q. 3. &c.* ubi rarissimos casus proponit in hac materia, quos consultò prætermittimus.

§. VIII.

An, & quo jure Ecclesiæ, ac persona Ecclesiastica, earumque bona exempta sint à jurisdictione Laicorum.

640. **I**munitatem Ecclesiasticam, & exemptionem talium personarum, & quacumque rerum ad eas pertinientium esse non tantum juris Ecclesiastici, sed etiam civilis, ex dictis hactenus constat; quæstio est, an etiam sit juris divini? ante resolut. not. *jus divinum aliud esse scriptum, traditum, & explicatum. Scriptum est, quod habetur ex sacris literis; traditum, quod per traditionem; explicatum, quod ex Conciliorum generalium, & Pontificum decretis, jus divinum explicantibus.* Porro, immunitatem illam esse de jure divino, ex pluribus locis probari potest, de quibus fusè Delbenc cit. dub. 2. s. i. a. n. i. Nam in c. *Continua*, i. i. q. i. & c. *futurum*, 12. q. i. Constantinus Imperator querimoniis quorundam Clericorum respondens, ait: *Vos à nemine judicari potestis, sed judicio Dei reservamini, c. quanquam de censib. in 6. ibi: Ecclesiæ, Ecclesiasticaq. persona, & res ipsarum non solùm jure humano, quinimò & divino à secularium personarum exactiōibus sunt imunes.* Ex Concilio Lateranensi sub Leone X. sess. 9. in *bulla reformationis Curiæ*, ibi: *Cum à jure tam divino, quam humano Laicis potestas nulla in Ecclesiasticas personas attributa sit. Trid. sess. 25. c. 20. de reform. ibi: Ecclesiæ, & personarum Ecclesiasticarum immunitas Dei ordinatio-ne, & Canonice sanctoribus constituta est.* Es his juribus ritè concludi, immunitatem Ecclesiasticam esse de jure divino quoad causas spirituales, quæ respiciunt v. g. fideim, Sacraenta, cultum divinum, vel salutem animarum, communiter

conceditur, prout disertè habetur in *Si Imperator, & c. duosunt, dist. 94.* Judicium enim spiritualiū illi tantum competit, cui Christus concessit, nimirum Petro, & Successoribus ejus, quibus dixit: *pascere oves meas.* Et quoniam ex jure utriusque textibus allatis habetur, esse juris divini; nullam Laicis esse potestatem non tantum in personas, sed etiam res ipsarum, adeoque causas, sive has, sive illas concernentes, idem de his dicendum est.

Quæstio nunc est, an hoc sit de jure divino *scripto*, vel *tradito*, vel *explicato* tantum, explicatione fundatâ in ordinatione divina? qua in re *re* exceptionem in pure spiritualibus esse de jure divino immediate, saltem tradito, ut tenet communis; exemptionem autem Ecclesiarum, & personarum Ecclesiasticarum, quoad ipsas personas, & res temporales eorum, etiam esse de jure divino, ut constat ex n. 640. sed probabilius mediata tantum, nimirum *tradito*, & *explicato*, vel saltem de jure Ecclesiastico introducto, *Deo sic dictante, & præcipiente*. de quo V. Delbenc cit. c. 5. dub. 8. Dixi. i. de jure divino *tradito*; hæc enim veritas in Ecclesia Dei continuò à temporibus Apostolorum pro tali habebatur. Nam *immunitas Ecclesiastica vetustissima res est jure pariter divino, & humano*; ut loquitur Concilium Colonense part. 9. c. 20. apud Delbenc cit. c. 5. dubit. 8. n. 5. quod expressè nominat exemptionem *Clericorum, & eorum possessiones à vectigalibus, & tributis*, & ut non extrahantur ab Ecclesiis, si ad eas Rei configunt. Dixi 2. de jure divino *explicato* per Concilium, & summos Pontifices; ut patet ex n. 640. & quidem ex *Dei ordinatione*, seu Deo sic ordinante, & dictante, ut patet ex Trid. in *num. cit.* Cùm enim potestas Petro, & Successoribus concessa à Christo rectè gubernandi Ecclesiam, hoc includat, sine quo ea gubernatio rectè fieri non posset, sicut illa, sic inclusum est ex Dei ordinatione; sed recta gubernatio Ecclesiæ includit exemptionem Ecclesiarum, & Clericorum, saltem quoad substantiam, cùm sine hoc ea gubernatio haberri non posset, licet modus inducendi hanc exemptionem tam quoad personas, & materias, quam quoad quantitatem Pontifici temiserit, prout bono Eccle-

Ecclesia conveniens iudicaverit; ergo. V.
Delbenc cit. c. 1. dubit. 2. S. 1. a. n. 6 i.

642. Dices, in allatis textibus *jus divinum* accipi pro *jure canonico*, qualiter etiam sumitur in c. *Cum de diversis*; *de privil.* in 6. ibi: *providimus, quod ibidem de cetero regatur, & vigeat studium juris divini, & humani, Canonici videlicet, & civilis*; ergo non recte dicitur, immunitatem illam, de qua in praesens, esse juris divini, prout hoc contradistinxit a canonico. Re. N. ant. Tametsi enim verum sit, *jus divinum* supponere solum pro *jure canonico*, quando expresse accipitur ut contradistinctum solum inadequata a jure humano, restricto ad solum *jus civile*, prout videre licet in allato c. *Cum de diversis*; fallit tamen, quahodo *jus divinum* accipitur, ut contradistinctum adaequata a jure humano non restricto, prout sumitur in allatis textibus, ut constat, alias enim, ubincunque simpliciter, & sine ulla restrictione dicitur aliquid esse *juris divini*, plus non foret, quam esse *juris Canonici*; quod aperte repugnat communione verborum significacioni passim usurpatae; & omnes leges *juris canonici* forent *juris divini*; adeoque dicere simpliciter, Pontificem posse dispensare in his, quae sunt *de jure canonico*, & dicere, eundem posse dispense in his, quae sunt *de jure divino*, idem omnino foret; quod profecto dici non potest. Sed de his plura l. 5. Tit. 49.

643. Dices, 2. textus, a nobis allatos n. 640: recte exponi dicendō: exemptionem Clericorum, & bonorum ad eos pertinentium esse de jure divino, quando considerantur in illis, quae vere, & propriè spiritualia sunt, yeluti, quae per essentiam, & concomitantiam talia sunt, vel per causam, aut annexionem, sive antecedenter, sive consequenter. Talia sunt Sacraenta, dona spiritualia supernaturalia, &c. non autem in illis, quae sunt spiritualibus annexa, & talia effecta lege humana, ut patet in vestibus sacris, Sacramentalibus, beneficiis Ecclesiasticis, in exemptione fori, causa possessionis, &c. ergo in his non sunt exempti jure divino, sed solum humano.

644. Resp. cum distincte antecedat, si praedicti textus exponantur de his, quae vere Spiritualia sunt, cum exclusione reliquorum, quae

etiam annexivè talia sunt, N. ant. cum expresse loquantur etiam de illis, quae in se, ac intrinsecè spiritualia non sunt; sed tantum annexivè, cuiusmodi est imminutitas ab impositione novorum onerum tributorum, evocatione ad forum laicum, &c. Unde si expositio in objectione allata recta foret, necessario equipollere deberet exponibili, seu propositioni per eam exposita; hoc autem omnino faltit; nam textus, qui exponuntur, expresse loquuntur etiam de personis Ecclesiasticis, ac earum bonis etiam temporalibus, ut patet ex n. 640. exponens autem ea excludit. Quare

Resp. 2. & insto, si, quando summi

645:

Pontifices, & Concilia dicunt, exemptionem Clericorum in personis, & rebus, intelligendi sunt de exemptione in his tantum, quae vere spiritualia sunt, nulla illis exemptione per eos textus concederetur: non in causis mere temporalibus, ut volunt contrarij; non etiam in causis lege solum humana annexis ipsis vere spiritualibus, ut vult objectio; non deinde in merè spiritualibus, ut recte notat Barbosa l. 2. de Jure Ecclesiastico, c. 39. §. 2. n. 6. & apud cum Covarruvias, Molina, & alij: & sic probatur: quia ab ejus potestate non potest quis dici *exemptus* quoad certam materialm, quando talis Superior nunquam acceptit jurisdictionem, vel potestatem disponendi, vel praecipiendi, aut ligandi in tali materia; sed Principes laici nullam unquam potestatem, vel jurisdictionem acceperunt disponendi, vel praecipiendi, aut ligandi in vere spiritualibus; heque Clerici unquam illis in his subjecti fuerunt; ergo exemptione à jurisdictione laicorum Principum, quam summi Pontifices, & Concilia assertunt competere Clericis jure divino in personis, & rebus suis, non potest exponi de rebus vere spiritualibus; arguit. c. quod autem, de Jure Patronatus ergo etiam in his, quae non sunt vere spiritualia, sed tantum annexivè talia, quantumvis annexionem habeant, lege tantum humana, jure divino exempti sunt à jurisdictione Principum laicorum. Et ita docet Barbosa tit. n. 5. ac apud etum Complices alij, quos inter Layman in Summa l. 4. tr. 9. c. 8. n. 1. Sanchez Consil. moral. l. 3. c. 4. D. 55. Marta de Jurisdiction. p. 2. c. 6. &c. Major videtur ex se clara, non enim

enim dicitur, *propriè loquendò, exemptus à lege in certa materia per aliquam juris dispositionem*, nisi è seclusa eo ipso esset ei subjectus in tali materia; atque adeò, nisi is, à cuius lege exemptus dicitur, acceperit jurisdictionem in eum etiam in tali materia, saltem generaliter. Min. etiam prob. 1. ex c. ad dissolvendum, de despontat. impub. ubi sub nullitate actorum inhibetur Judici laico, ne quid in judicio circa sponsalia, vel matrimonium puellæ, de qua ibi, attenterur; 2. in. c. Ecclesia S. Mariae, de quo supra; item c. In novo, dist. 21. ubi exprestè dicitur, potestatem in his, quæ ad potestatem clavium pertinent, Christum dedisse Petro, & legitimis Successoribus ejus. Et ratio est, quia potestas disponendi in his, quæ supernatura sunt, & suapte naturâ in finem supernaturalem ordinantur, potestas supernaturalis est, non cadens in Laicos; sed quæ verè spiritualia sunt, hanc supernaturalitatem habent; ergo.

646. Ex hoc colliges, exemptionem, quam Sacri Canones, & Concilia dicunt, *esse juris divini*, necessariò intelligendam esse etiam de his, quæ, licet in se temporalia sint, jure tamen humano, & Ecclesiastico evadunt spiritualia per annexionem; sed talia sunt Ecclesiæ, personæ Ecclesiasticae, & eorum bona, consequenter omnes causæ, quæ illa concernunt, ut constat ex juribus haec tenus allatis, quibus eximuntur penitus ob omni jurisdictione Laicorum; ergo. Ma. pat. nam illa exemption, quam contrarii volunt cadere *in sola spiritualia*, necessariò cadere debet vel *in sola spiritualia verè*, ac intrinsecè; vel *in sola spiritualia annexivè*, ac extrinsecè talia, vel *in ambo*; postremum non concedunt, ut patet ex n. 643. primum etiam dici non potest; ergo necessariò cadit in secundum, id, quod intendimus. Et hoc respexisse videtur Trid. Supracit. quando sess. 25. c. 2. Principes laicos hortatur, & monet, ne Praesides, & Magistratus sibi subordinati, Ecclesiæ, & personarum Ecclesiasticarum immunitatem, *Dei ordinatione, & canonici sanctionibus constitutam* aliquo cupiditatis studio, seu inconsideratione aliquâ violent. Ubi pensanda sunt verba: *Dei ordinatione, & canonici sanctionibus constitutam*; quo clale innuitur, ea *Dei ordinatione extra Laicorum*.

corum jurisdictionem esse posita, quæ canonici sanctionibus ad Dei cultum, ac animarum salutem ordinata sunt. Et ideo, et si beneficia Ecclesiastica sunt de jure humano; cum solùm extrinsecè, ac annexivè spiritualia sunt; merito tamen negatur hæc consequentia: ergo illorum venditio (si sumantur formaliter) non est prohibita de jure divono.

Dices. 3. licet in c. Sylvester, 11. q. 1. 647. dicatur, vacando Clericos ad forum Laicorum, agi contra leges divinas, & publicas, tamen ibi forum non stat pro loco judicij; sed pro statu libertatis, & conditione personæ; cum enim Clericis, de quibus ibi, vivente adhuc Manumissore, divinis ministerijs addictis, postmodum à filiis, & hæredibus Manumissoris) adjuvante quodam Archidiacono) moveretur quæstio statu, ut in servitutem reducentur, veniendò contra voluntatem defuncti, qui eos manumisit; requisitus Gelasius Papa respondit: id esse contra leges divinas, & publicas; cum illis auferretur, quod ipsorum est; ergo exemptione Clericorum à foro judiciali non est juris divini. Re. ibi non tantum agi de statu, & conditione personæ, sed etiam hæreditate, quam dictis Clericis, vi legum, auferre volebant hæredes defuncti, qui eos manumisit; cum autem legitimè manumissum reducere in servitutem sit contra leges publicas; & suis bonis privare Clericos, contra divinas, merito textus intelligendus venit non tantum de statu, seu conditione personæ, sed etiam judiciali foro; quia propter eam causam, adjuvante quodam Archidiacono, ad Actorum judicium pulsabantur, seu vocabantur, Archidiacono propterea putante, forum suum auferri in eorum judicio. Agebatur ergo de foro Archidiaconi, quod utique judiciale est.

Confirmari hoc totum potest ex c. Continua, 11. q. 1. & c. Futuram 12. q. 1. ubi referuntur verba Constantini Imperatoris, in Synodo Nicena, ad querelam Clericorum, qui à Judicibus laicis indebet, ac iniquè in judicium vocabantur, palam profitentis: *Vos à nemine dijudicari potestis & quia solius Dei judicio reservamini: Dij enim vocati estis; & idcirco non potestis ab hominibus judicari;* ita pientissimus

entissimus Princeps; ubi nota tò à nemine, & Dei solius judicio.

449. Advertendum tamen meritò, hanc, & similes leges Cæsareas pro immunitate Ecclesiastica, & in favorem ejus promulgatas, non esse, nec fuisse *institutorias* (nam divinâ lege illam Clerici habent, ut diximus n. 640.) sed tantum *subsidiarias*. Et ideo ipse quoque Fridericus Imperator, ut retulimus n. 617. decretum suum, quo statuit, ut ne in *questione civili* Ecclesiastica persona ad judicium sacercale trahatur, expressè addit *contra publicas*, & *canonicas sanctiones*; cùm illæ in his, & istæ in divino jure fundentur. Unde Joannes Papa in c. *Si Imperator*, dist. 96. ea, quæ in Ecclesiasticis constituta sunt, vocat *dispositionem cœlestis ordinis*; & propterea hortatur laicos Principes, ne sibi vendicent *alienum jus*, & ministerium, quòd alteri deputatum est, ne contra eum tendat, abrumpi, à quo omnia constituta sunt &c. non *legibus publicis*, non à *pote-*
statibus *saculi*, sed à Pontificibus, & Sacerdotibus omnipotens Deus Christianæ religionis Clericos, & Sacerdotes voluit ordinari, & discuti; quo tatis clarè innuitur, exemptionem Clericorum, à jurisdictione Principum, & Magistratum sacerularium esse *divini juris* non tantum in his, quæ verè, ac in se; sed etiam, quæ annexè tantum spiritualia, & Ecclesiastica sunt. Plura super his videri possunt apud Barbos. l. 1. *Juris Eccles. c. 39. §. 2. præ-*
sertim à n. 153.

650. Ex dictis colliges, quid dicendum ad quæstionem, an valeat statutum Laicorum, prohibens subditis, alienari bona immobilia in Ecclesiis, vel Ecclesiasticas personas? Not. autem, duplice fieri posse talē legē, vel statutū. 1. generaliter, ne liceat bona immobilia vendere extraneo, seu non subdito. 2. specificè, ut non liceat ea vendere, vel alio modo alienare in Ecclesiis, vel personas Ecclesiasticas; his præmissis: Potissima quæstio est de statuto specificè prohibente talē alienationem in personas Ecclesiasticas. Communis Canonistarum sententia est, ejusmodi statutum irritum esse. Nam statuta Laicorum, quæ sunt contra immunitatem Ecclesiasticam, irrita sunt, defectu potestatis in statuente; at statutum, temporale dominium obtinentium, interdi-

cens subditis, ne Prælatis, aut Clericis, seu personis Ecclesiasticis quicquam vendant, aut emant aliquid ab eisdem, vel communia obsequia exhibeant, est contra immunitatem Ecclesiasticam (ut apertè dicitur in c. fin. de Immunit Eccles. ibi: cùm talia in derogationem libertatis Ecclesiastica presumantur) ergo. Ma. prob. quia nulla datur legitima potestas statuendi, quod jure divino, & humano est illicitum; sed quod est contra immunitatem Ecclesiasticam, jure divino, & humano est illicitum, ut haecnen ostensum est. 2. quia in cit. c. fin. contra taliter statuentes imponitur excommunicatione latæ sententiæ, quæ supponit essentialiter factum graviter illicitum; ergo.

Dices. 1. eo loco non fieri mentionem 651.
de prohibitione vendendi Clericis immobilia. R. nullam fieri mentionem expressam; fieri tamen implicitam; ibi: ne Clericis quicquam vendant. Deinde esto non fieret ibi expressa mentio de alienatione immobilium; satis est, quòd continetur sub mente, & intentione Legislatoris, quæ ex causis, quibus movetur, & aliis circumstantiis sufficienter intelligitur. Quia mens, & ratio Legislatoris est anima legis, L. Scire, ff. de Legibus & L. non dubium i. C. eod. junctā gloss. V. Amplexus. Quòd autem Pontifex sub illis verbis, quibus statuit excommunicationem latæ sententiæ in Laicos, qui statuunt, ne Clericis quicquam vendatur, intendat comprehendere illos etiam, qui prohibent iis vendi bona immobilia, patet ex ejus ratione, ibi: cùm talia in derogationem libertatis Ecclesiastica presumantur. Ex hoc colliges: erroneum esse, constitutiones Pontificum in Jure Canonico velle restingere solum ad casus in illis specificè expressos, ubi constat de mente Legislatoris universalis in ea materia. Quia non omnes casus specificè possunt exprimi. L. neque, L. Non possunt, ff. de legibus. sed sufficit, eos comprehendi sub mente Legislatoris, & intentione; cùm hæc potius, quam verba sint attendenda, L. Scire, Q. aliud, ff. de excusationibus Tutorum, ibi: sed eis maximè verba legis hunc habeant intellectum, tamen mens Legislatoris aliud vult.

Dices. 2. cùm in textu expressè dicatur, 652.
quod talia presumantur in derogationem
liber-

libertatis Ecclesiasticæ; satis innuitur *in re* non esse talia; sed tantum præsumi, quod sint talia. Verum ly præsumantur ibi non facit illum senium, quem intendit objectio; sed solum explicatur, quām firmiter Ecclesia judicet suæ libertati derogari, consequenter constituatur præsumptio juris de jure, contra quam non admittitur probatio; cū ex ejusmodi Laicorum statutis positis, liquidò colligatur animus, Clericorum, & Ecclesiarum immunitatibus derogandi. Confirmari potest responsio data. 1. quia in rubrica cit. c. finalis habetur, quod omnes Domini temporales, prohibentes subditis, ne cum personis Ecclesiasticis contrahant, vel communia obsequia exhibeant, ipso facto excommunicationem incurvant. Certum autem est, prohibito genere, prohiberi etiam quamlibet speciem; sed c. fin. sub excommunicatione prohibetur *in genere* quodvis statutum Laicorum prohibens subditis, *aliquid vendere Ecclesiasticis*; ergo etiam prohibetur sub excommunicatione statutum Laicorum, *in specie* prohibens subditis, immobilia vendere Ecclesiasticis.

653. Confirmatur. 2. ex gloss. in c. finale, ubi dicitur: *nota, quod prohibitio directa ad subditos, ex qua indirecte præjudicatur Clericis, quoad ipsorum libertatem, non teneat.* Quidquid autem est, quo in effectu violantur non tantum privilegia Clericis concessæ Jure Canonico, vel civili, sed ea etiam, quæ ipsis competit jure divino, seu naturali, & gentium, illisque communia sunt cum aliis membris Reipublicæ, etiam Laicis, dicitur contra illorum libertatem; sic Pirhing de constitutionibus, n. 92. *Q. ex dictis;* & colligitur ex n. 637.

Confirmatur 3. quia c. Novit. & c. gravem, de sent. excom. generaliter excommunicantur, ipso facto, omnes, qui statuta fecerint contra Ecclesiæ libertatem, vel secundum illa præsumptient judicare, vel jura Ecclesiæ auferre conantur, vel gravamen aliquod, seu onus ei imponunt, ut notat, glossa *ibid. V. Ecclesiæ.*

Confirmatur 4. ex c. ult. de rebus Eccl. non alienand. desumpto ex Concilio Lateranensi, ubi generaliter decernitur, quod Laicis de rebus Ecclesia disponendi nulla sit attributa potestas; consequenter defectu potestatis irritum esse, quod

Laici statuunt in præjudicium Ecclesiæ. Confirmatur 5. ex Sylvestro in Summa V. Statutum, qui q. 2. ait, quod statutum Laicorum prohibens, ne quis vendat Clericis, vel emat ab eis, quia est in præjudicium Clericorum, & eos indirecte tangit, non excusat ab excommunicatione lata in c. fin. de immunitate Ecclesiæ. in 6. V. Dianam p. 6. tr. 3. roslut. 6.

Ad eam porro quæstionem, an bonis temporalibus Ecclesiasticorum, potestate Laica imponi possint onera, tributa, & similia; & ante resolutionem notandum, tributum vel onus aliud esse, quod rebus ineſt, ac incumbit, antequam transcant in Ecclesiæ, vel personas Ecclesiasticas; aliud, quod rebus imponitur primò, cùm jam sunt sub potestate Ecclesiæ; vel dominio Clericorum; deinde, onus illud posse esse vel certum, & invariabile; vel incertum, & variabile; quibus positis: & bona Clericorum, quæ antequam ad illos pervenirent, habebant onus certum, & invariabile, manere illi subjecta, etiam cùm sunt in dominio Ecclesiæ, & Clericorum. Quia sic ex pacto Clericorum debetur illud onus, cùm sic onerata, & non aliter transcant in Clericos. Nam utroque jure res cum suo onere transit, c. cùm non sit, de decimis, c. Ex literis, de pignor. L. alienatio, ff. de contrahendis empt. & vendit. & L. Si divina, C. de Exactioribus tributorum: securus est, si priusquam transirent ad Ecclesiæ, non erant subjecta oneri, vel tributo certo, & invariabili; ita in terminis Azor p. 1. l. 5. c. 13. q. 1. quia sic exerceretur jurisdictione gravando rem, dum non est subjecta.

Verum his objici potest communis praxis in multis regnis, & provinciis, in quibus talia statuta facta sunt, & observantur. Verum, non quid factum sit, sed quid fieri debeat, spectandum est, neque exemplis est judicandum, L. Sed neque, ff. de officio Præsidis, junct. gloss. marg. Nec juvat, quod Pontifex talia statuta sciat, & toleret; quia per hoc non recte præsumitur tacitus ejus consensus, cùm jure contrarium sit expressum; & tum summi Pontifices, tum Concilia generalia dum ea reprobaverint. Profectò, si quilibet dissimulatio dissimulata ficeret licita, multa illicita forent licita. Multa enim per patientiam tolerat Ecclesia, que non

non approbat, ut ait Pontifex, c. *Cum jam dudum de præbendis*, quod maximè fit in his, quæ prohibita sunt sub pena excommunicationis, ad vitanda schismata, & alia gravia mala, quæ meritò timeri possunt. Unde sequitur, si bona priùs, quam constitutum fuisset jus laudemij, vel simpliciter, vel in tali quantitate, venerunt ad Ecclesiás, vel Ecclesiasticas personas, illa deinceps immunia esse, & non posse gravari onere pendendi laudemium, statuto Laicorum; ratio sumitur ex dictis *in preced.* idem autem est de aliis novis oneribus, vel tributis, quibus, antequam ad Ecclesiam, Monasterium, vel personas Ecclesiasticas pervenirent, gravata non erant; quia postquam pertinent ad Ecclesiam, sunt extra jurisdictionem Laicorum; & solum ratione pacti, quo acceptando bona priùs gravata, consenserunt in gravamina certa, & invariabilia illis annexa, ad ea tenentur.

§. IX.

Resolvuntur argumenta contraria.

656. **P**otissimæ rationes in contrarium nituntur convincere, *in rebus merè temporalibus*, etiam Ecclesiárum, & personarum Ecclesiasticarum, potestatem esse penes Príncipes sacerdota, in quorum dictione sunt; & exemptionem Ecclesiasticam non cadere in alia, *nisi quæ verè spiritualia* sunt, ut diximus n. 643. Verum ex dictis hactenus satis probatum est, Magistratum sacerdotalem (quicunque sit) nihil disponere posse, ut stature, circa Ecclesiás, aut personas Ecclesiasticas, earumque bona; nec de rebus, vel iuribus sacris, seu *spiritualibus*, etiam annexivè *solum talibus*, ut rectè docet Layman, c. *Quæ in Ecclesiárum*, 17. b. t. n. 13. ne quidem ex plenitudine potestatis; cum super his illi nulla omnino facultas concessa sit à Deo immediate, vel mediata, ut dictum est à n. 634.

657. Sed dices. 1. Magistratus laicus *ob urgenter aliquam causam* statuere, vel decernere potest aliquid cum præjudicio, seu diminutione juris aliorum; ergo etiam ex eadem causa gravi, *cum præjudicio Clericorum in temporalibus*, v. g. ne bona immobilia Ecclesiasticis personis vendantur; pat. consequentia, quia in his, quæ ex li-

bertate Ecclesiastica vergunt in grave præjudicium totius Reipublicæ, & boni publici, libertati Ecclesiasticae præferri debet bonum publicum; sed si ob libertatem Ecclesiasticam invalidum esset statutum Laicorum, ne bona immobilia alienari possint in personas Ecclesiasticas, grave fieret præjudicium Reipublicæ, & bono communi. Nam si bona immobilia transiant ad Ecclesiás, de jure fiunt exempta ab omnibus exactiōibus, & collectis, quæ priùs illis à Magistratu imponi poterant ob communes necessitates, c. *non minùs*, & c. *adversus, de immutit. Eccles. &c. I. eod in 6.*

Ante responsionem not. nullum Magistratum posse statuendō, aut decernendō, absque justa causa jus suum aliis auferre; cùm ideo constitutus sit, *ut jus subditis reddat, & iustitiam colat*, ut colligitur ex L. penult. C. de precibus Imperatori offerendis, ubi dicitur: *rescripta Principis contra jus elicita, & quibus alius leditur, nullius roboris esse, nec à Judicibus recipienda*; intellige, si talia rescripta non contineant clausulam, quæ referens exprimat, esse intentionis suæ, ut id, de quo rescribit, procedat, non obstante jure tertij. Tunc enim meritò præsumitur id facere ex justa causa. Ratio hujus est, quod omne rescriptum gratiæ, procedens à Principe, habeat hanc tacitam clausulam: *sabro jure alterius, vel sine alterius prædictio*, ut dicitur L. Ex facto, 143. ff. de *Vulgar. substit. L. 2. §. Si quis à Principe, ff. ne quis in loco publ. c. Super eo, 15. de offic. delegat.* ibi: volumus discretionem tuam tenere, quod, licet quæstionem, quæ de præsentatione vertitur, committamus alicui terminandam; *non tam est nostra intentionis, diaconis Episcopo, Archipresbytero, vel Archidiacono præjudicium generare*; ideoque præstandus est illi, qui instituendus fuerit. Ubi vides, facultatem concessam ad terminandam quæstionem, cuius sit præsentare? non extendi in præjudicium ejus, *cui est præsentandus*. Nam delegatus Judex ut pronuntiet, aliquem esse instituendum, non propterea potest ipse illum instituere, ut notat Barbosa in cit. c. *Super eo, n. 2. causam reddens ibid. V. præjudicium generare*, quod Papa nunquam intendat X